

یونسکودان اصالت مؤهرون آماغا شرقی آذربایجانین ال ایشلریندن 25 اثر موعریفلیق اولدو

شرقی آذربایجانین توریست، ال ایشلری و فرهنگی میراث سازمانینین ریسی دئدی: اوستانین ال ایشلریندن 25 اثر 10 هونری ریشتهده یونسکونون اصالت مؤهرونو آماغا، ال ایشلری میلی نیشان موسابقهسینه یوللاندي.

فارس خبر گوزاریسینین تبریزدن وئردیگی گوزاریشه گؤره، تراب محمدی خبرنیگارلارینان دانیشیقدا دئدی: بو اثرلر اوستان هونرمندلرینین طرفیندن وئریلن سابقه و ایتیلالات اساسیندا سئچیلیب و تهرانا گؤندریلیب. او ال ایشلری میلی نیشان موسابقهسینی یونسکونون اصالت مؤهرونون آماسینا موقدمه ساییب و دئدی: 10 هونری ریشتهسینده 25 ال ایشی سئچیلیب. اوستانین توریست، ال ایشلری و فرهنگی میراث سازمانینین ریسی دئدی: قیمتلی و یاریم قیمتلی داشلارین یونماسیندا 10 اثر، سخسی و سیرامیکده 5 اثر، کیلیم توخوماقدا 2 ایش و دمیر اویماقدا 2 اثر بو موسابقهیه یول تاپیب. محمدی آرتیردی: ملیله، داش اویماق، سبد توخوماق، تخته موزاییک و ایرانی ساز دا هر بیر اثرله بو موسابقهیه یول تاپیلار. او دئدی: یونسکونون اصالت مؤهرونو آماغا اریابلیق اوچون آلتی معیار وار کی او محصول بو نیشانی اله گتیره جک کی لاب یوخاری کیفیتی اولسون. محمدی آرتیردی: یونسکودا بینالمیلی موتخصیصلردن بیر هیأت محصوللاری مرغوبلوق، اصالت، تازالاشدیرماق، بازار تاپما گوجو، موحیط زیسته احتیرام قویماق و ایجتیماعی مسئولیت باخیمیندان آراشدیراجاقلار. او هابئله دئدی: یونسکونون ال ایشلری اصالت مؤهرو هر ایکی ایلدن بیر وئریلر کی تعریف اولان معیارلار اساسیندا اولار.